



UNIVERSITÄTS-
BIBLIOTHEK
PADERBORN

**ITINERARI[I] || ITALIAE || RERVMQ. ROMANARVM || LIBRI
TRES ||**

Schottus, Franciscus

Antverpiae, 1600

Attella Oscorvm

[urn:nbn:de:hbz:466:1-70633](#)

nūm quo tempore hæc noua Capua ex ipsius ruinis excitata, quōue auctore ad secundum ab altera lapidem, ut dixi, traducta fuerit, non satis constat. Et quidem verisimile, quod vi metuque barbarorum pulsi, atque dispersi cives tandem eo confluxerint, atque sensim extra deserte Capuae ruinas sedes fixerint ibidem ad Voltturni ripam; vbi nunc nouam Capuam in urbem per amplam atque potentem emersisse videmus. De qua Iulius Scaliger poëta non minus salsa quām obscurè cecinit:

Flammea si valeat superare superbia fastum,

Pinguem luxuriam deliciosus amor:

Hoc mollem pinges Capuam, Capuae colonas;

Et qua aliis visa est, nec sibi meta fuit.

A V E R S A.

PEr agrum Stellatem inde camposque Lebori nos perges Aversam. Historiæ Neapolitanæ scriptor Pádulphus Collenucius Aversam priùs oppidum appellatum fuisse contendit, eo quod ibidem olim Normanni castra in ruinis Attelæ veteris munierint aduersus Capuam Neapolimq; medio itinere noui huius oppidi initia firmantes, ut diuarum potentium urbium vires ex eo loco diuellerent.

A T T E L A O S C O R V M

Fuit quidem Attella vetus ab antiquissimis Oscorum populis conditum oppidum, famosum in primis ac celebre quondam Satyricis fabulis, lasciuis, ridiculis atque dicacibus; que ab ipso dicuntur Attellane: & haec quidem iocis ac salibus ridiculis eam auctoritate in nocte sunt postmodum: ut è municipalibus ludicris irreperirent etiam in theatra Romana. Nunc temporis

poris autem illustrium aliquot palatiis atque
prætoriis suburbanis excultum est oppidum.

NEAPOLIS

Per octo millia passuum ulterius Neapolim
itur.

Celebria quæque loca in vrbe atque suburbanis circumquaque visu digna occurrunt. Et ea quidem sunt plurima sumptibus stupendis atque cultu magnifico superba. Nam yrbsspantium complectitur magnum, posita inter amœnissimos colles à Septentrione & Oriente, & maris sinum à Meridie & Occidente; è cuius portu Misenus, Minerueque promontoria, celebresque antiquitus insulæ Caprea, Ischia & Prochyte sereno cælo conspicua sunt. Eam Cumanos vicinos primùm condidisse, & Parthenopen à Sirenarum vna ibidem sepulta nominasse, Strabo, Virgilius, aliique auctores consentiunt. Subuersam deinde fuisse volunt ab ipsis conditoribus, cum nimiū efflorescere & augeri propter agri vbertatem, matremque vicinam Cumas sensim supplantatura videretur. Quo facto Cumanos immani peste vexatos, oraculoque monitos ferunt, ut vrbem restituerent, & Parthenopes deæ sepulchrum annuis sacrificiis colerent. Itaque cum eam restaurassent, Neapolim voce Græca tum appellari à re cœpisse volunt. Sunt tamen & aliorum opiniones diuersæ. Lycophron enim Chalcidensis in Alexandra sua Phalerum eam vrbem appellat: & eius interpres Isaciüs Tzertzes adiicit, Phalerum Sicilię tyrannum Neapolim in Italia condidisse: & quia crudeliter is torquebat, occidebatque suos hospites, atque aduenas quoscunque; natam inde fabulam esse, Parthenopen Sirenam ibi excidisse, eiusq; sepulchrum ab incolis exstructum,

dream-